

# Epochokkuna om Health ren om Emecheresi Siwinin Manaw me Siwinin Aninnis



## Kaworen tufich me aninnis ngeni chon fiti OHP, non fansoun an auchea ngenir

Fansoun an wor ew watten siiwin ren mwokutukutun non manawen aramas, aweve ren ar tou me non kanopwuus, ar ra chikar me tou me non ewe pioing Oregon State Hospital, ika ar tou me no imwar, mei pwan kouno tufichin ar repwe tongeni no ngeni nour tokter, iwe a pwan fetan ngeni ngaweno nonnomwur. Ekkei siiwin e pwan konnien weires ngeni ekkan aramas mei wor ar semwenin netip ika nom non ew watten osukosuk.

Aramas re kan mennukano fan iten ar akkanaemon ne fori angangen "ei system" won ar pwisin. Ekkei system mei pachenong ekkan chommongun aninnis, ren en Oregon Health Plan (Medicaid), aninnis ren mwongo (SNAP), me pwan ekkoch. Ei Oregon Health Authority e mochen ochufengenni ekkan aninnis me tumwun, fengen me awora ekkan sokkun tufich me aninnis fan iten nonnomwun aramas fengen me tumwun netipar. Ar awora ekkei sokkun aninnis, chon fiti ei Oregon Health Plan (OHP) esapw kouno ar tumwun, iwe ina epwe murinno ngangen tumwun nonnomwur.

## Ekkoch sokkun angangen an epwe kawor tufichin nonnomwun aramas ngeni ese nifinifin

Fan ei, mei wor ekkei sokkun angang Oregon Health Authority mei nennengeni ar repwe tingorei en kafomonun federal ar repwe mwut ngenir ar repwe fori:

### 1. Siwini en ennukun federal ren an ese tongeni kawor ngeni aramas aninnisin Medicaid ika re nom non kanopwuus

lei, ika ekkan aramas re fiti en OHP re tonong non ew an state nenien isois (non kanopwuus ika ewe Oregon State Hospital) esapw chiwen kawor ngenir aninnisin Medicaid. Ika ra mwuusou, mei tongeni tori ruu wiik ar repwe tongeni angang aninnisin sefan, wewen pwe mei tongeni tori fite wiik ar resapw tumwun (ren tokter, safei, me pwan met). Ar repwe ffor sefanni, Oregon e mochen an epwe:

- Awora aninnis ngeni meinisin aat me nengin, ika mwo re nom non an semirit nenien kanopwuus. Ren ekkan aat me nengin, wewen pwe repwe tongeni *nonnom* non OHP.
- Awora aninnisin OHP ika ngangen CCO ngeni chon OHP, ika mwo re nom non ewe pioing Oregon State Hospital, nenien niwing ren semwinin non ekiek, me nenien kanopwuus. Ren aramas re nom non kanopwuus me ewe pioing an state, aninnis epwe kawor ngenir 90 ran me mwen ar repwe mwuus.
- Awora aninnisin OHP ika katonong non CCO ren chon fiti en OHP re nom non pureik ika nenien kanopwuus, pachenong ekkan aramas re utiwitin ar ranin kopwung.

#### Sokkun nenien kanopwuus

**An semirit kanopwuus:** Ew nenien aat me nengin kanopwuus ren ar tipis nge repwe kaeo ngeni siwinin non manawar.

**Kanopwuus:** Ew nenien aramas mei wor tipisin ar foffor ika angangangaw.

**Pureik:** Ew nenien aramas

2. **Kaworen aninnisin OHP ngeni ekkan aat me nengin mei wor ar tufichingaw ren apwangapwangen inisir (YSHCN) tori ier 26.** Ei sokkun angang nge ren an epwe wor aninnisin tufichin ekkan YSHCN ika ra mwan me fefin. Ren ekkan aat me nengin mei wor ar apwangapwangen inis, kaworen aninnis ngenir seni nekukkurur tori ar ra watte mei tongeni awora:

Napenon:	Ekukkurutiwen:
<ul style="list-style-type: none"> <li>• Tumwun</li> <li>• Tufichin pochokkun</li> <li>• Tufichin manaw</li> <li>• Tumwunun inis</li> </ul>	<ul style="list-style-type: none"> <li>• Pokunon ar tumwun</li> <li>• Eppetin kaworen tumwun</li> <li>• Fansoun niwing non pioing</li> <li>• Tamen ar niwing</li> </ul>

3. **Kaworen aninnisin epochokkunen netip ngeni armas ra siwini non manawar.** Mei chommong mwokutukutun non manawen aramas, aweve ren ar katou me non imwar ren monumon, mei tongeni fori met epwe kouno kaworen aninnis ika ren an aramas repwe no ngeni nour tokter. Ren aninnis ngeni aramas an esapw kouno ar aninnis, ar repwe no ngeni nour tokter, fengen me ar repwe pochokkun, Oregon e mochen awora ngenir aninnisin epochokkunen netip ika re nom non ekkei sokkun osukosuk. Ekkei sokkun aninnis, mei apachanong aninnis ren:

				
<b>Pekin Imw</b>	<b>Waa</b>	<b>Aninnis ren mwongo</b>	<b>Aninnis ren angang</b>	<b>Aninnisin tumwun seni monumon</b>

4. **Kaworen aninnis ren chon tumwun rese nom fan nurun nour insur.** Chon angang rese nom fan nurun nour insur mei pachenong chon aiti aramas tumwunun inisir, chon aninnis ren safei, chon anisi ekkan aat me nengin ren ar osukosuk ika samwau, me chon anisi ekkan repwe nounou. Ekkei chon aninnis re kan pwan soun nom me angang non ekkan neni chon OHP re nom ie, wewen pwe ir mei tongeni weweiti met ei chon fiti OHP re mefi. Ar tumwuneochu pwe repwe meoni niwinin ar angang, chon fiti OHP ina epwe kawor ngenir ew pekin angangen tumwuneoch non ar eoreni.

5. **Kamenong non en Community-Based Organization (CBO).** Ekkan community-based organization ir mei weweiti met mei auchea ngeni nour aramas. Ir mei tongeni awora ngeni aramas ew pekin angangen tumwuneoch non ar eoreni, non fosun fonuwar fengen me aiti ngenir ekkan nenien aninnis. Oregon mei nennengeni ar repwe awora mwoni ngeni ekkan CBO, pwe repwe sopweno ar angang ngeni chon fiti OHP.

### Met wewen ena ngeni chon fiti ei OHP

Me fan nurun ei taropwen ekkesiwin, chon fiti OHP ir mei tongeni sopweno angangen tufich, tumwun, me aninnis, ika mwo a siiwin non manawar. Ekkei sokkun siiwin mei pachenong:

- Ar tou me non Oregon State Hospital, ekkan nenien niwing ren semwenin non ekiek, ika kanopwuus.
- Ekkan aat me nengin mei wor ar apwangapwangen inis, ir mei tongeni angei aninnisin tori an a 26 ierir, nge esapw kouno ika a tori 18 ierir.
- Aramas epwe efeiengaw ngenir fansoun raningaw, monumon ika pwichikkar
- Aat me nengin re nom non nenien tumwun semirit
- Ekkan chinnap mei wor nour Medicaid me Medicare insurance

En mei tongeni angei ei taropwe non fosun fonuwomw, echo mei mesemmong makkan, makken braille ika met sokkun ke mochen. Atoura mefiom ngeni ewe Community Partner Outreach Prokram ikei [community.outreach@dhsosha.state.or.us](mailto:community.outreach@dhsosha.state.or.us) ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.